



Komisyon fanm pou refijye (Women's Refugee Commission)

KISA KOMISYON FANM POUR REFIJYE A YE?

Yo kreye Komisyon fanm pou refijye a an 1989. Nou travay pou lwa, politik ak pwogram ki asire sekirite pou fanm, timoun ak jèn refijye yo, pou yo gen tout sèvis ak resous yo bezwen pou yo kapab rete an sante e atenn objèktif yo kapab atenn, pou yo patisipe nan pran desizyon ki pral afekte lavi yo, epi pou yo kapab fè travay pledwaye ak militan pou kont yo.

Gen prèske 42 milyon refijye e deplase entèn nan lemonnante. Pou chak senk moun ki nan sitiyasyon sa a, kat ladan yo se fanm, timoun oubyen jèn. An mwayenn, sitiyasyon refijye yo konn dire 17 an.

KI SA NOU FÈ

Men kèk objèktif travay Komisyon fanm pou refijye a genyen :

- bay fanm ak fi refijye yo planifikasyon ak èd lè yo ansent e lè y ap akouche;
- pwoteje fanm ak fi deplase kont vyol (kadejak) e lòt vyoans;
- pèmèt timoun deplase yo al lekòl;
- ede fanm deplase yo pou yo fè lajan pou pran swen ni tèt yo ni fanmi yo;
- bay jèn yo edikasyon ak fòmasyon pou yo devlope konpetans;
- asire ke yo byen trete fanm ak timoun k ap chèche sekirite (mande azil) ozetazini, epitou asire ke yo pa mete yo nan prizon.

KIJAN NOU TRAVAY

Nou ranmase enfòmasyon:

- Nou deplase jis rive kote refijye yo rete pou n ka rankontre e pale avèk refijye yo, avèk ajans ONI e avèk òganizasyon entènasyonal e lokal.
- Nou chèche konnen ki sa refijye yo bezwen.

- Nou aprann se ki kalite pwograme (tankou pwogram edikasyon, devlopman konpetans, mwayen egzistans, lasante nan kesyon fè pitit) ki travay e se ki kalite pwogram ki pa travay.

Après sa, nou sèvi ak enfòmasyon nou fin ranmase yo:

- Nou reyini ansanm ak pèsonel òganizasyon entènasyonal yo pou n di yo ki sa ki dwe fèt pou amelyore lavi fanm, timoun ak jèn refijye yo.
- Nou ekri manyèl e nou bay direktiv pou ede travayè imanité yo pi byen travay ak refijye yo.
- Nou òganize reyinyon ak pèsonel òganizasyon gouvènman yo, òganizasyon non gouvènmantal e Nasyon Zini; lè fini, refijye yo kapab asiste nan reyinyon sa yo pou yo fè manm pèsonel yo konnen ki sa yo bezwen.

KÈK DONE AK CHIF

- Nou se yon òganizasyon non gouvènmantal (ONG). Òganizasyon nou an pa asosye ni ak gouvènman, ni ak politik ni ak relijyon.
- Nou genyen 25 manm pèsonel ak yon konsèy administrasyon. Kèk ladan yo se te moun refijye.
- Nòmalmman, Komizyon fanm pou refijye a pa bay ni sibvansyon ni li pa finansye pyès òganizasyon ni moun an patikilye. Si w kontakte nou sou info@wrcommission.org, n ap fè w jwenn enfòmasyon sou òganizasyon ki konn voye sibvansyon bay òganizasyon lokal yo.
- Komisyon fanm pou refijye a pa kapab ede moun jwenn azil Ozetazini. Si lavi w an danje e si w bezwen jwenn sekirite nan yon lòt peyi, tanpri kontakte Komisè Nasyon Zini pou refijye yo (www.unhcr.org/contact.html) oubyen yon òganizasyon entènasyonal k ap travay nan peyi w.

Komisyon fanm pou refijye yo se yon filyal et li fè legalman pati Komite entènasyonal pou sekou, ki se yon òganizasyon ak bi non likratif selon atik 501(c)(3) e li pa jwenn sipò finansye nan men IRC a.

Foto: UNHCR/S. Errington. 2010

122 East 42nd Street
New York, NY 10168-1289
212.551.3115 | info@wrcommission.org
womensrefugeecommission.org

Refugee Fact Sheet: Creole

**WOMEN'S
REFUGEE
COMMISSION**

FÈY ENFÒMASYON SOU REFIJYE YO

